

Canta, pinta y gosa entrega na biblioteca

CANTA, pinta y gosa ta un CD nobo riba mercado specialmente pa mucha. E compositor Daniel Werleman, conoci bou su number di artista 'Shonnel', a entrega un ehemplar na biblioteca.

Riba e CD tin 14 cantica original ademas e CD ta inclui un buki digital cu ta consisti di imagen cu mucha por kleur, un imagen pa cada cantica. E imagennan a

wordo crea pa Dario Werleman. Cantantenan ta Veloushka Krozendijk y Ivienne Hernandez y e coro a wordo forma dor di Luelgi Arends, Xena Semel-er y Setty Yarzagaray.

Shonnel ta docente na scol di musica Rufo Wever (Bass guitar). Shonnel a gradua na Berkley College. Esaki ta su prome produccion pa y cu mu-

cha. Ya 300 CD a wordo bendi. E canticanan ta hopi varia, tin marcha moderno, Wals, Tumba, cantica pa hacimento di aña etc. Otro musiconan cu a contribui na e produccion aki ta Maikel Lugo (ingeniero di zonido), Venny Trinidad (diseñador), Maybelline Arends-Croes (coreccion di Papiamento y letrista). Grabacion a keda realisa na IQ Recording Studio.



De verloren prinses na biblioteca



LENIE Jeandor ta haci entrega di su publicacion na directora di biblioteca siman pasa. Ta trata aki di un compilacion di guion pa 3 obra teatral titula 'De verloren prinses' (1983), Compa Leon ta pone ordo (2008) y Juan Panfilo (2011). E prome ta un script pa obra teatral? na Hulandes y e dos ultimo nan ta skirbi na Papiamento.

Lenie a nace na Aruba y di chikito e ta gusta actuacion. Na 1976 el a bay profundisa su mes riba tereno di teatro na scol Juana Sujo na Caracas y na 1980 el a gradua den Arte Escenico y a bolbe Aruba. For di akinan su carera a sigui den escenario y produccion.

